



Ulloq: 15. september 2025
Allaffik: Nordatlantkontoret
Sagsbeh: Laura Friestrup-Jensen
Sagsnr.: 2025-03716
Dok.: 3746858

EQIKKAANEQ

Akisuunik pigisaqarsinnaatitaanermut suliaasaqarfimmi isumaqatigiissutit aamma inatsiseqartitsinikkut iliuuseqarnerit allat pillugit inatsisip allanngortinneqarneranut inatsisit assigiinngitsut atuutsinneqalernerannut Kalaallit Nunaannut peqqussut

Peqqussummi siunertarineqarpoq akisuunik pigisaqarsinnaatitaanermut inatsisinut suliaasaqarfimmi isumaqatigiissutit aamma inatsiseqartitsinikkut iliuuseqarnerit allat pillugit inatsimmik nutarterinissaq, taanna akisuunik pigisaqarsinnaatitaanermut inatsisit il.il. ilai pillugit peqqussutikkut nr. 104, 31. marts 1965-imeersumi Kalaallit Nunaannut atortussanngortinneqartoq, aamma aalajangersaaqatigiinnermik inatsisip allanngortinnera pillugu peqqussutikkut nr. 350, 14. juli 1980-imeersumi kingullermik allanngortinneqartoq, Danmarkimi kingusinnnerusukkut inatsisit allanngortinneqarsimasut ilanngullugit aamma Kalaallit Nunaanni pissutsit malillugit allannguutit Kalaallit Nunaannut naleqqututut nalilerneqarsimasut ilanngullugit.

Kalaallit Nunaannut kingorna malittarisassat atuutsinneqalernerannut pingaarnerusumik siunertaavoq ilaatigut atuisartunik isumaqatigiissuteqartarnerni isumaqatigiissutini atugassarititaasut naleqqutinngitsut pillugit malittarisassanik, namminersorsinnaanermik arsaagaasimasut inatsisitigut qanoq

inissisimanerat pillugu malittarisassanik kiisalu inuussutissarsiutillit nakkutilliiffigineqartarnerannut malittarisassanik piffissamut naleqquttunik qulakkeerinninnissaq.

Peqqussummut missingiut immikkoortunut arlalinnut immikkoortulerneqarsimavoq, akisuunik pigisaqarsinnaatitaanermut suliassaqarfimmi isumaqatigiissutit aamma inatsiseqartitsinikkut iliuseqarnerit allat pillugit inatsimmut allannguutissatut siunnersuutunik imaqartunik.

Piginnaassusiligaassuteqartup toqunerani pisassaqaqtut eqqartuussivimmut aggersarneqarnerannut malittarisassanut atatillugu, siunnersuutigineqarpoq, piginnaatitsissut atorunnaarsinneqartassasoq, pisassarisaqaqtut, eqqartuussiviup erseqqinnerusumik aalajangiinera malillugu Statstidende, Atuagagdliutit (AG/Grønlandsposten) imaluunniit tusagassiuutit allat allaaserisaqaqtartut aqputigalugit aggersarneqarnerat nalunaarutigineqareerpat. Taamaalilluni malittarisassap oqaasertai Atuagagdliutit (AG/Grønlandsposten)-ikkut aggersaanermut naleqqussarneqarsimapput.

Namminersorsinnaanermik arsaagaasimasut pillugit malittarisassat pineqartillugit siunnersuutigineqarpoq, piginnaassusiligaassuteqartoq namminersorsinnaanermik arsaagaappat, taava inuk alla, fuldmægtigimik isumaqatigiissuteqartoq, isumaqatigiissut namminersorsinnaanermik arsaagaasimasorlu isumaqatigiissutaasimagaluarpat pitsaanerusumik inatsisitigut inissisimassanngitsoq. Aammattaaq aalajangersakkami immikkut malittarisassaq § 18-piginnaatitsissutinut ilanngunneqarsimavoq, taamaattoqartillugu aamma allamik piumasaqaateqartoq, inuup allap, isumaqatigiissut fuldmægtigimik isumaqatigiissutaasimasoq pillugu, aamma piginnaassusiligaassuteqartup namminersorsinnaanermik arsaagaasimaneranik fuldmægtigi ilisimasaqarsimanngitsoq imaluunniit tamanna pillugu ilisimasaqarsimasariaqanngitsoq pillugu nammineq piumasaqaatiminik illersuisinnaanermut inatsisilerinikkut tunngavissaqarnini piumasaqaatigisinnaagaa. Namminersorsinnaanermik arsaagaanermut malittarisassat ima

naleqqussarneqarsimapput, taamaalilluni Kalaallit Nunaanni nammineersinnaassuseqarneq pillugu inatsit malillugu taaguutitut aalajangersakkanullu atuuttut innersuussisoqartarluni.

Peqatigitillugu siunnersuutigineqarpoq, inuk namminersorsinnaanermik arsaagaasoq pillugu, fuldmægtigi, inatsiseqartitsinikkut iliuuseqarnernik, sinniisup suliarisinnaanngisaanik, aamma namminersorsinnaanermik arsaagaasimasoq annaasaqarnissaanut illersorniarlugu pisariaqartinneqartunik piginnaatinneqarnissaa pillugu malittarisassanik aalajangersaasoqassasoq. Aammattaaq namminersorsinnaanermik arsaagaasimasut pillugit malittarisassat taakku naleqqussarneqarsimapput, taamaalilluni Kalaallit Nunaanni nammineersinnaassuseqarneq pillugu inatsit malillugu taaguutitut aalajangersakkanullu atuuttut innersuussisoqartarluni.

Kapitalimi siunnersuutigineqartumi IV. *Atuisartunik isumaqatigiissuteqartarnerit pillugit immikkut malittarisassat* annertuumik inatsisit atuuttut ingerlateqqinneqarnissai pineqarput, tassa isumaqatigiissutit naleqqutinngitsut aalajangersaaqatigiinnermik inatsimmi § 36-mi nalinginnaasumik immikkut piumasaqaammit naleqqussarneqartarmata. Peqqussummik allannguinnissamut siunnersuummi aalajangersaaqatigiinnermik inatsimmi kapitali nutaaq ilanngunneqarpoq, taanna atuisartunik isumaqatigiissuteqartarnerit ilaat pillugit immikkut malittarisassanik imaqaasaaq. Taakku immikkut malittarisassat naleqquttumik nalilersuinnermut, naleqqutinnginnerup inatsisitigut sunniutaanut kiisalu isumaqatigiissutit nassuiarneqarnerannut tunngapput. Aammattaaq siunnersuutigineqarpoq, inatsimmik sumik naalagarsiorfiginnittussaannermik qinigassat ilaannut atuisartut illersorneqarnissaannut malittarisassaliortoqassasoq. Inatsimmik sumik naalagarsiorfiginnittussaannermik qinigassat pillugit malittarisassamut atatillugu, siunnersuutigineqarpoq, peqqussummi allasimasut allanngortinneqarnissaat, taamaalillutik Kalaallit Nunaanni pissutsitut naleqqussarlugit. Oqaatigineqassaaq, kapitali taanna nutaaq Danmarkimi naammassineqareersimammat atuisartunik isumaqatigiissuteqartarnerni naleqqutinngitsunik

isumaqatigiissutini atugassarititaasut pillugit EU-mi malitassat tunuliaqutaralugit.

Forbrugerombudsmandip malittarisassaanut naleqqiullugu, peqqussummi allassimasut Kalaallit Nunaannut naleqqussarneqarsimapput Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaanni malittarisassat atuuttut malillugit, taamaalilluni Atuisoqarnermut Unammilleqatigiinnermullu Aqutsisoqarfik allanneqarsimalluni Forbrugerombudsmanden pinnagu. Inatsisit atuuttut pillugit inatsiseqartitsinermi malittarisassanik aalajangersimasumut tunngasunik eqiterineq annertuumik pineqarpoq, Atuisoqarnermut Unammilleqatigiinnermullu Aqutsisoqarfiup nalinginnaasumik nakkutilliisinnaaneranut allannguinngitsumik, inuussutissarsiuutillit pitsaasumik tuniniaasarnermut ileqqoqarnissamik piumasaqaammik piviusunngortitsinissaannut piumasaqaat malillugu. Peqatigitillugu siunnersuutigineqarpoq, justitsministerip Atuisoqarnermut Unammilleqatigiinnermullu Aqutsisoqarfiup inassuteqarneratigut, inuussutissarsiuutillit, nalinginnaasumik atugassarititaasunik erseqqinnerusumik allassimasunik, isumaqatigiissuteqartarnerni pissutsini atussallugit naleqqutsinngitsunik atuisut, tak. aalajangersaaqatigiinnermik inatsimmi § 38 c, akiliisitsinikkut pineqaatissinneqartassasut. Oqaatigineqassaaq, § 38 e aamma § 38 f siunnersuutigineqarsimasut, maanna Danmarkimi naammassineqarsimammata EU-p-malitassanut pakkiata New Deal Consumers (nutarterinerimut malitassaq) ilai tunuliaqutaralugit.